

## Saksgang

Utv	Utv.saksnr.	Møtedato
Hovudutval for kultur, idrett og integrering		17.03.2020

## Tilskot til utvikling av modellbibliotek 2020

Forslag til vedtak

1. Hovudutval for kultur, idrett og integrering vedtek utlysing av tilskot til Modellbibliotekprogrammet slik det ligg føre i saka.
2. Tilskotet er eit viktig verkemiddel for å stimulere kommunane til å utvikle folkebiblioteka til å drive aktiv formidling, vere uavhengige møteplassar og arenaer for offentleg samtale og debatt.

## Samandrag

Modellbibliotekprogrammet vart etablert i Hordaland i 2014 og har vist seg å vere eit kraftfullt og etterspurdt tiltak for å utvikle folkebiblioteka i tråd med endringane i føremålsparagrafen i Folkebiblioteklova frå 2014, som slår fast at biblioteka skal drive aktiv formidling, vere uavhengige møteplassar og arenaer for offentleg samtale og debatt.

I Hordaland er til no 20 kommunar involvert i programmet. 14 biblioteket er opna som nye eller nyrenoverte og står fram som profesjonelle arrangørar av debattar og kulturprogram. Det er ønskjeleg å utvide programmet til heile Vestland fylke i 2020.

Per Morten Ekerhovd  
fylkesdirektør

Ruth Ørnholts  
seksjonsjef

*Saksframlegget er godkjent elektronisk og har difor ingen handskriven underskrift*

## Saksutgreiing

### Bakgrunn for saka

Hordaland fylkeskommune starta Modellbibliotekprgrammet som ein del av eit større treårig prosjekt i 2014. Prosjektet vart støtta av Nasjonalbiblioteket, og knytt til endringar i formålsparagrafen i biblioteklova om at folkebiblioteka skal drive aktiv formidling, vere uavhengige møteplassar og arenaer for offentleg samtale og debatt.

Modellbibliotekprogrammet har vist seg å vere eit viktig og etterspurd tiltak, og vart, med forankring i innsatsområde i regionale kulturplan, Premiss: kultur 2015-2025, vidareførd med fylkeskommunale midlar etter at prosjektet var avslutta

Til grunn for programmet ligg behovet for å utvikle biblioteka i samsvar med det nye samfunnsoppdraget og synleggjere nye tenester og samarbeidsformer. For å bli meir attraktive og moderne, treng mange folkebibliotek å gjennomgå endringsprosessar av større eller mindre omfang. Fleire har hatt behov for nye eller renoverte lokale, men småskala-prosjekt kan også passe inn i ramma for modellbibliotekprogrammet.

I Hordaland er til no 20 kommunar involvert i prosjektet. 14 biblioteket er opna som nye eller nyrenoverte, sjá vedlagt oversyn. Biblioteka har blitt revitalisert og står fram som profesjonelle arrangørar av debattar og kulturprogram. Av om lag 20 meirope bibliotekavdelingar i Hordaland, har 11 vore med i modellbibliotekprogrammet. I tidlegare Sogn og Fjordane fylke er det berre eit meirope bibliotek, men fleire under planlegging. Mange bibliotek treng hjelp til å stå fram som relevant kulturaktør i sitt lokalsamfunn.

Eit kriteria for å vere med i programmet, er at biblioteka skal ha ambisjon om å vere ein aktiv og (med)skapande kulturaktør i sitt nærmiljø og i sin kommune, ved å vere eit kunnskaps- og aktivitetssentrum, ein uformell møtestad og arena for kulturopplevinga, offentleg debatt og samtale. Eit anna aspekt kan vere utprøving av nye formidlingsmetodar og samarbeidsformer.

Ein føresetnad for å kome med i programmet, er at samlingane vert vurderte og aktualiserte. I tillegg må kommunane stille med same kronebeløp som fylkeskommunen, kr 100.000, for å supplere biblioteka med nytt inventar og utstyr.

### Vedtakskompetanse

Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

### Vurderingar og verknader

#### Økonomi:

I budsjettet for 2020 er det avsett kr 450 000. Fylkeskommunen sitt bidrag er kr 100 000 til kvart prosjekt, deltaking i prosjektgruppe og praktisk arbeid og utgifter til interiørarkitekt, reise mm., ca. 50 - 60 000 per prosjekt. Det er rom for å gi løyving til tre prosjekt i 2020.

Søkjaren må bidra med kr 100 000, eigenfinansiering i form av stillingsressursarar og andre driftskostnader.

#### Klima:

Ikkje relevant

#### Folkehelse:

Regional plan for folkehelse 2014 - 2025 - fleire gode leveår for alle: Kulturopplevingar har positiv verknad på folkehelsa.

#### Regional planstrategi:

Modellbibliotekprogrammet er forankra i Regional kulturplan for Hordaland 2015-2025. og regional plan for kultur i Sogn og Fjordane 2019-2027. I planane er det samanfallande mål om å utvikle moderne og attraktive bibliotek, styrkje og synleggjere folkebiblioteket som ressurs i lokalsamfunnet og som møteplass og arena for inkludering, læring og debatt.

### Konklusjon

Fylkesdirektøren ser tilskotsordninga for Modellbibliotekprogrammet som eit viktig bidrag til fylkeskommunane sitt arbeid med å utjamne forskjellar mellom bibliotek og utvikle biblioteka til sentrale arenaer i lokalsamfunna.